



MERIDIAN JUNIOR COLLEGE
JC2 Preliminary Examination
Higher 2

Malay Language and Literature

9558/1

Paper 1 (Part 2)

16 Sep 2014

3 Hours

Additional Materials: Writing Papers

ARAHAN UNTUK CALON

Sila lihat arahan yang terdapat dalam Bahagian 1.

ARAHAN : Jawab SEMUA soalan.

Soalan 5 (30 markah)

Baca petikan karangan di bawah ini dengan teliti. Kemudian, jawab soalan yang mengikutinya.

Jika seseorang menganggap bahawa ijazah yang bergulung-gulung dari menara gading merupakan kejayaan yang akan menjamin pekerjaan paling layak untuknya, maka dia sebaiknya janganlah terus bermimpi di siang hari. Ternyata, zaman penuh ironi ini telah menunjukkan bahawa pendidikan formal tiada kaitan lurus dengan kemakmuran dan kejayaan seseorang. Ramai yang telah berjaya kerana pendidikan formal tetapi tidak kurang juga yang berjaya kerana meninggalkan pendidikan formal.

Erti 'jaya' amat luas sekali dan tidak seharusnya dinilai dengan menara gading tetapi 'ilmu' atau kepandaian meraih dan menghasilkan sesuatu daripadanya. Selanjutnya, ilmu pun tidak bermakna, tanpa akhlak mulia sehingga ilmu tidak menjadi bermakna. Misalnya, di Britain, erti 'jaya' turut dikaitkan dengan daftar 'Skillionaires' (jutawan kemahiran) iaitu para tokoh yang tidak kesampaian ke menara gading tetapi sudah berjaya sebagai usahawan yang memiliki pelbagai kemahiran hidup. Kalangan tokoh teknokrat Amerika seperti mendiang Steve Jobs, hartawan terkaya dunia Bill Gates sehingga pengasas Facebook Mark Zuckerberg merupakan siswa tercicir. Anehnya, mereka telah disanjung oleh universiti mereka dan diberikan anugerah kehormat. Oleh sebab itu, perspektif atau pandangan masyarakat perlu berubah dalam menilai kejayaan.

Kajian saintifik menunjukkan insan berbeza-beza dalam menanggapi dan menyerap ilmu. Ada manusia yang dikatakan pelajar cepat dan ada pula dikatakan **lamban**. Tentulah perlu dicari sebab mengapa seorang cepat dan lamban menerima ilmu. Misalnya, disleksia menjejaskan seseorang anak dari segi bacaan sehinggalah penulisan. Namun antara tokoh dunia termasuk Albert Einstein yang menggarap teori relativiti dipercayai pernah menderita disleksia. Baru-baru ini, Singapura menyaksikan seorang autistik, Encik Stephen Wiltshire, melukis pemandangan Singapura berdasarkan lawatannya sekali saja tetapi **tertancap** dalam mindanya. Bakat Encik Wiltshire telah dapat dikenal pasti sejak kecil walaupun beliau mengalami masalah autisme. Kenal pasti merupakan 'kunci' utama memastikan seseorang dapat berjaya walaupun tanpa menyusur laluan akademik sebagaimana pelajar biasa.

Jean Piaget, seorang ahli psikologi yang terkenal dengan teori kognitif mengenai pembangunan akal kanak-kanak pernah menyatakan bahawa tiada seorang 'insan' yang boleh dianggap gagal sekalipun menghadapi masalah pembelajaran. Masalahnya ialah insan dewasa yang normal seperti guru yang sebenarnya berdepan dengan cabaran mencari kunci bagi membuka potensi anak tadi. Dunia pernah membaca kisah Helen Keller (1880-1968) yang buta dan pekak. Potensinya terserlah lewat gurunya, Anne Sullivan, yang amat penyabar dan penyantun dalam mendidik muridnya dengan akrab dan kasih sayang. Di Singapura kini, terdapat beberapa sekolah khas seperti Pathlight yang membantu pelajar mengalami kesukaran menimba ilmu dan diharapkan dalam kalangan guru tadi ada yang seperti Anne Sullivan.

Sedang Singapura bergegas memasuki tahap selanjutnya dalam maraton kemajuan dunia, setiap insan di sini perlu mendapat peluang belajar atau mengasah bakat, disokong oleh institusi nasional atau gerakan sivik serta guru yang santun lagi berdedikasi. Lantaran itu, kita perlu memikirkan corak 'campur tangan' membantu golongan yang tidak mungkin berjaya dalam bidang akademik tetapi kejayaannya **menuntut** pendekatan yang lebih halus.

(Dipetik dan diubah suai daripada Berita Harian, *Berjaya Tanpa Laluan Akademik*, 17 Ogos 2014)

- a. Jelaskan erti kejayaan yang harus digarap pada zaman ini. (6 markah)
- b. Mengapakah masyarakat perlu mengubah perspektif mereka terhadap nilai kejayaan? (6 markah)
- c. Jean Piaget seorang ahli psikologi yang terkenal dengan teori kognitif mengenai pembangunan akal kanak-kanak pernah menyatakan bahawa tiada seorang 'insan' yang boleh dianggap gagal sekalipun menghadapi masalah pembelajaran. Huraikan pernyataan ini. (6 markah)
- d. Bagaimanakah setiap insan berpeluang menyusur jalan sejak kecil lagi untuk terus berjaya? (6 markah)
- e. Berikan maksud perkataan berikut menurut penggunaannya dalam teks. (6 markah)
 - (i) lamban
 - (ii) tertangkap
 - (iii) menuntut

Soalan 6 (15 markah)

Berdasarkan petikan karangan yang diberikan, ringkaskan isinya supaya menjadi tidak lebih daripada 100 patah perkataan. Seberapa boleh, gunakan ayat-ayat kamu sendiri.

Soalan 7 (10 markah)

Dalam petikan di bawah ini terdapat 10 tempat kosong. Isi tempat kosong tersebut dengan perkataan yang sesuai mengikut konteks petikan. Tulis jawapan kamu mengikut susunan perkataan dalam petikan.

Amalan berbasikal ketika bersenam di pusat-pusat senaman ataupun di taman-taman yang menyediakan aktiviti berbasikal sudah menjadi perkara lumrah bagi kebanyakan penduduk. Ternyata, tabiat berbasikal ialah salah satu cara yang paling mudah untuk menangani isu kesihatan kerana di samping dapat **(a)**_____ otot-otot dan membakar kalori, aktiviti berbasikal juga dapat mengurangkan pencemaran **(b)**_____ digunakan sebagai pengangkutan utama rakyat. Langkah ini dapat mengurangkan penggunaan **(c)**_____ yang menggunakan sumber tenaga bahan api seperti kereta, motosikal dan sebagainya, yang menjadi punca kepada pencemaran **(d)**_____. Rakyat negara-negara seperti Sweden dan China telah **(e)**_____ basikal sebagai pengangkutan efektif untuk semua aktiviti **(f)**_____ mereka termasuk berulang-alik ke tempat kerja. Di negara-negara lain pula, basikal boleh disewa dengan mudah dan **(g)**_____ untuk berbasikal juga disediakan dengan baik. **(h)**_____ 2030, penduduk Singapura juga dapat menggunakan rangkaian laluan basikal komprehensif seluas pulau **(i)**_____ 700km. Sehubungan itu, lebih banyak tempat **(j)**_____ basikal akan disediakan di stesen MRT dan rangkaian laluan basikal di beberapa buah estet akan diperluaskan. Dengan demikian, penduduk Singapura boleh mengelilingi dan menjelajahi Singapura hanya dengan berbasikal.

Soalan 8 (10 markah)

Teliti perangkaan yang berikut. Kemudian, alih bentuk teks ini menjadi teks prosa dengan menggunakan 80 – 100 perkataan.


Huraikan maklumat-maklumat yang diberikan di bawah ini.

PERANGKAAAN PENGGUNAAN RANGKAIAN SOSIAL 2012


Jumlah Pengguna (Berusia 15 tahun ke atas)	2.9 juta
Jumlah Pengguna Rangkaian Sosial	2.7 juta
Pengguna dalam Talian yang Mengunjungi Rangkaian Sosial	94.3%
Peruntukan Masa untuk Rangkaian Sosial	18.0%
Purata Masa untuk Rangkaian Sosial	4.4 jam

Rangkaian Sosial Paling Digemari	Jumlah Pengunjung (000)	% Jangkauan	Purata Minit Setiap Pengunjung
Facebook	2,235	77.0	278.4
Twitter	528	18.2	32.2
LinkedIn	385	13.3	19.4
Tumblr	319	11.0	85.4
Windows Live Profile	202	7.0	2.7

Rangkaian Sosial Mengikut Demografi Usia dan Jantina



Purata Masa (Jam) Penggunaan Rangkaian Sosial



(Sumber : <https://www.ida.gov.sg/>)

Selesai

SKEMA JAWAPAN PRA-AKHIR MJC 2014
H2 MLL P1

SOALAN 5

a. Jelaskan erti kejayaan yang harus digarap pada zaman ini. (6 markah)

i) Kejayaan luas ertinya – tidak harus dikaitkan dengan menara gading sahaja.

ii) Kejayaan merupakan kepandaian meraih dan menghasilkan sesuatu daripada 'ilmu' yang diperoleh

b. Mengapakah masyarakat perlu mengubah perspektif mereka terhadap nilai kejayaan? (6 markah)

Masyarakat perlu mengubah perspektif terhadap nilai kejayaan kerana :

- i) Mempunyai ilmu yang diperoleh tanpa mempunyai ijazah kini terbukti dapat membawa perubahan yang besar kepada manusia – cth tokoh-tokoh spt Steve Jobs dan Mark Zuckerberg yang merupakan pelajar universiti yang tercicir.
- ii) Kemahiran hidup dan akhlak mulia sangat penting untuk menggunakan ilmu yang ada supaya disanjung masyarakat – ijazah tidak menjamin diri seorang itu disanjung dan dianggap berjaya.

c. Jean Piaget seorang ahli psikologi yang terkenal dengan teori kognitif mengenai pembangunan akal kanak-kanak pernah menyatakan bahawa tiada seorang 'insan' yang boleh dianggap gagal sekalipun menghadapi masalah pembelajaran. Huraikan pernyataan ini. (6 markah)

i) Setiap kanak-kanak sama ada sempurna mahupun kurang sempurna, mempunyai potensi yang boleh menjadi terserlah dengan bantuan guru. Contohnya Anne Sullivan.

ii) Kanak-kanak dapat dipupuk dan disemai potensinya dengan ajaran yang sesuai, khususnya guru yang sabar dan santun mendidik atau institusi yang membantu kesukara menimba ilmu.

d. Bagaimanakah setiap insan berpeluang menyusur jalan sejak kecil lagi untuk terus berjaya? (6 markah)

- i) guru yang santun dapat mencari kunci bagi membuka potensi seorang kanak-kanak sejak kecil lagi
- ii) disokong oleh institusi nasional atau gerakan sivik yang campur tangan dalam membantu anak itu.

e. Berikan maksud perkataan berikut menurut penggunaannya dalam teks. (6 markah)

(i) lamban - tidak cepat tidak cergas lambat

- (ii) tertancap - tertanam ; masuk terbenam
(iii) menuntut - memerlukan

SOALAN 6 (15 markah)

Isi 10 x 1m = 10 m

Bahasa = 5

Perenggan 1

1) ijazah tidak menjamin pekerjaan paling layak/ pendidikan formal tiada kaitan lurus dengan kemakmuran dan kejayaan seseorang

Perenggan 2

2) erti kejayaan amat luas sekali dan tidak seharusnya dinilai dengan menara gading

3)kejayaan ialah ilmu atau kepandaian meraih dan menghasilkan sesuatu daripadanya.

4) ilmu tidak menjadi bermakna tanpa akhlak mulia

Perenggan 3

5)perspektif atau pandangan masyarakat perlu berubah dalam menilai kejayaan.

6) kajian saintifik menunjukkan insan berbeza-beza dalam menanggapi dan menyerap ilmu/ada manusia yang dikatakan pelajar cepat dan ada pula dikatakan lamban.

7) kenal pasti merupakan 'kunci' utama memastikan seseorang dapat berjaya walaupun tanpa menyusur laluan akademik

Perenggan 4

8) Jean Piaget, seorang ahli psikologi kognitif/mengenai pembangunan akal kanak-kanak berkata bahawa tiada seorang 'insan' yang boleh dianggap gagal sekalipun menghadapi masalah pembelajaran.

9) insan dewasa yang normal seperti guru yang berdepan dengan cabaran mencari kunci bagi membuka potensi anak tadi.

Perenggan 5

10) setiap insan di sini perlu mendapat peluang belajar atau mengasah bakat,

11) mereka disokong oleh institusi nasional atau gerakan sivik serta

12) guru yang santun lagi berdedikasi.

13) perlu memikirkan corak 'campur tangan' membantu golongan yang tidak mungkin berjaya dalam bidang akademik

SOALAN 7 (10 markah)

- a) menguatkan
- b) jika
- c) kenderaan
- d) udara
- e) memanfaatkan
- f) harian
- g) infrastruktur/prasarana
- h) Menjelang
- i) sepanjang
- j) meletak

SOALAN 8 (10 markah)

Pengenalan

- 1 Perangkaan ini menunjukkan penggunaan rangkaian sosial 2012 bagi penduduk Singapura

Isi

- 2 Perangkaan menunjukkan sejumlah 2.7 juta rakyat menggunakan rangkaian sosial (atau 2.9 juta berusia 15 tahun ke atas menggunakan rangkaian sosial)
- 3 Rangkaian sosial yang paling banyak pengunjung ialah Facebook iaitu sebanyak 77% jangkauan
- 4 Sementara yang terendah ialah Windows Live sebanyak 7% jangkauan sahaja.
- 5 Twitter, LinkedIn dan Tumblr juga merupakan rangkaian yang agak popular
- 6 Golongan usia 15 -24 tahun rangkaian sosial dalam 7.3 jam setiap hari sementara golongan 55 tahun ke atas sekadar 3.1 jam.
- 7 Didapati juga golongan wanita 55 tahun ke atas lebih ramai menggunakan rangkaian sosial iaitu 99.7% sementara hanya 84.6% lelaki yang seusia menggunakannya
- 8 Bagi golongan 15 -24 tahun dan 24 – 34 tahun, jumlah pengguna lelaki dan perempuan hampir sama, masing-masing dalam lingkungan 97% dan 99%.

Isi 7 x 1m = 7m

Bahasa = 3m